

ՌՈՒՄԻՆԱԼԱՅ ԿՅԱՆՔԸ 1950 ԹՎԻՆ

Ռումինական ժողովրդական Ռեսպուբլիկայի կառավարությունը, Գաղանկության նախարարության միջոցով, ումինհաճայ թեմին հատկացրել է 1.500.000 լեյ, որի շուրջ 1.100.000 լեյը ներկայացնում է հողերուկանության 1950 թվի ուժեղները, իսկ 400.000 լեյը տրամադրվել է թեմի եկեղեցիների նորոգության և այլ կարիքների:

Ռումինահայ թեմի Առաջնորդ Վազգեն Մ. վարդապետը հոմիս-սեպտեմբեր ամիսների ընթացքում այցելել է եկեղեցական համայնքներին և հորդորել հավատացյալներին՝ հավատարիմ մնալ տեղական իշխանությանը, Մայր Հայրենիք Սովետական Հայաստանին և Մայր Աթոռ Ս. Էջմիածնին: Առաջնորդ Հայրը կոչ է արել նաև հայ ժողովրդին՝ նեցուկ լինել խաղաղության պաշտպանությանը: Նա զբաղվել է նմանապես վարչական և կազմակերպական հարցերով:

Հուլիսի 2-ին, թեմի եկեղեցիներում կատարվել է Հայրապետական մաղթանք, նորին Ս. Օծմբուն Ս. Տ. Գեորգ Ջ. Սրբազնացույն Կաթողիկոսի օծման 5-րդ տարեդարձի առթիվ և խոսվել ավուր պատշաճի քարոզ: Բուխարեստում քարոզել է Առաջնորդ Հայրը, արտահայտելով իր հիացմունքը և երախտագիտական զգացմունքները վեհափառ Հայրապետի և նրա զործի հանդեպ:

Հոկտեմբերի 8-ին, Բուխարեստի հայոց եկեղեցում տեղի է ունեցել Պատարագ և Հոգեհանգիստ՝ նվիրված անմահ Կոմիտաս վարդապետի հիշատակին: Առաջնորդ Հայրը խոսել է մեծ երաժշտագետի կյանքի և գործի շուրջը: Գաղութում Կոմիտասի հիշատակը պանծացվել է նաև Հայկական դեմոկրատ կոմիտեի կազմակերպած այլ հանդիսություններով:

Հոկտեմբերի 26-ի պիրակի օրը Բուխարեստի հայոց եկեղեցում Առաջնորդ Հայրը հանդիսավոր կերպով ընթերցել է Վեհափառ Հայրապետի վարդապետի հերոսամարտի 1500-ամյակի հոբելյանական տոնակատարությանը նվիրված հայրապետական կոնգրակը:

Ռումինահայության մեջ չեղած ընդունելությունն են գտել Վեհափառ Հայրապետի խաղաղության պահպանման ի նպաստ կոչերն ու ձեռնարկումները: 1950 թվի ընթացքում այդ նպատակին հատկացված մաղթանքներ

ենք են կատարվել և հողերական դասը հանդես է եկել հատուկ կոչերով:

Երեք եկեղեցիների Հողեր Պետերի 1950 թվի օգոստոսի 5-ին Թրիխսիում ստորագրած խաղաղության կոչը առանձին քարոզի նյութ է դարձել: «Էջմիածին» ամսագրի հուլիս-օգոստոս համարը, նվիրված Թրիխսիի խորհրդածողովին և Այեքսի ու Կալիստրատ Պատրիարքների Սովետական Հայաստան այցելության, ումինհերենի թարգմանվելով ներկայացվել է Ռումինական Օրթոդոքս եկեղեցու Պատրիարք ժուստինյան Սրբազան Հոր:

Նոյեմբերի 16-ին, ումինական դավանությանը պետերի կողքին, Առաջնորդ Հայրը ումինահայ եկեղեցու անունից ստորագրել է խաղաղության ի նպաստ այն ուղերձը, որն, ուղարկվել է Վարշավայում գումարված խաղաղության կողմնակիցների Համաշխարհային երկրորդ կոնգրեսին: Նույն նպատակին Ռումինական Օրթոդոքս եկեղեցու Պատրիարքարանում տեղի է ունեցել խորհրդակցություն, որտեղ ներկա են եղել ժողովրդավանությանը պետերը, բացառությամբ Հոմեական կաթողի եկեղեցու ներկայացուցչի: Ժողովում ընդունվել է կոչ խաղաղության պահպանության ի նպաստ, ուղղված Ռումինիայում բնակվող բոլոր դավանությունների հավատացյալներին: Կոչը լույս է տեսել մամուլում և կարգացվել եկեղեցիներում: Հայոց եկեղեցիներում այն ընթերցվել է 1951 թվի հունվարի 6-ին և 7-ին:

Սույն ժողովում Հայ եկեղեցու անունից խոսք է ասել Առաջնորդ Հայրը, խոստանալով խաղաղության պահպանման գործում հայ ժողովրդի նպաստը բերել Ռումինական ժողովրդական Ռեսպուբլիկային, որը, Սովետական Միության կողքին, պայքարում է խաղաղության օգտին: Առաջնորդ Հայրը հայտարարել է թե հայ ժողովուրդն անվարան ընտրում է խաղաղությունը, վառուցումը և կյանքը:

Առաջնորդ Հայրը խաղաղության ի նպաստ խոսք է ուղղել նաև մեծ ժողովրդին ումին լեզվով, որը լույս է տեսել Բուխարեստի «Ունիվերսուլ» օրաթերթի դեկտեմբերի 24-ի համարում: Հոգեշնորհ վարդապետը կոչում ընդգծել է Հայ եկեղեցու և հայ ժողովրդի խաղաղասիրական ոգին ու ձգտումները և անխախտ հավատք հայտնել խաղաղության գործի հաղթանակի շուրջը:

